

મેઙ્ગુ

રંગાદિ ઓઙ્ડાઓ

નભેમ્બર 2025

પ્રકાશન – 5

ઓપરોલ લેક

फूलतोति नेइसु जीवनदि रंगा

फूलु प्रकृतिदि अन्दलकानानि सुंदरा सृष्टि ओन्डादि। अदि माकि सिर्फ सुंदरता कादु, बल्कि जीवना बेतनकि नेबदे नेइतानकि मोलोनि इतोहोन्दि। एपडु माउ ए फूलुनि सोत्तनाउ आपडु दनमेन्दा रंगा कानपाइतोहोन्दि बल्कि मेहनता, अन्डा, मन्नु मननि समयदि मेलमोलोनि अन्डकोइ ओनहादि।



हर फूलदि अपन सातंरो ओन्हादि। **कमल** माकि

नेइतोहोन्दि **गंदा** निलमेन्दा उन्डि मोलोनि स्वच्छ मननि

सुंदरा बनपोतोहोन्दि। **गुलाबा** चेपतोहोन्दि कोमलमेन्दा मोलोनि ताकता ओन्हादि, मननि खुशबू पत्तानकि असली सुंदरा। **सूरजमुखीया** माकि सोइता पुटक्कोतोहोन्दि हमेशा तालदालोकि मननि सुडु – जीवनलोकि चाहे एतेनि मुश्किलेंहोनि। **चमेली** माकि नेइपतोहोन्दि चेन्दि खुशबूया मोलोनि पद्दि असरा उलपि चेतादि। **गेंदादि** फूलु कानपाइतनादि सादगीमेन्दा मोलोनि रंगा मननि ताजगी एपोहोदि। **रजनीगंधा** माकि चेपतोहोन्दि मेहनता मननि धैर्यतोनि नब्दे चमक ओतनादि। मननि **पलाशदि** फूलु – एद्दि एइलोकि मोत्तहोन्दि – सोइता पोटकोत्तहोन्दि कठिन सोटकाइ मोलोनि जीवनदि रंगा बेगरपोतोहोन्दि।





रंगा मोलोनि मादि जीवना लागु उनिन्दि – कुस खुशियादि ओन्डादि, कुस दलबइदि, कुस आशादि। अरदि रंगा जोश मननि मायादि चिहना ओन्डादि, पसुरंग ऊर्जा मननि खुशीदि, पच्चरंगा आशा मननि जीवनदि, मननि नीलारंगा शांति मननि सादगीदि। एपडु इएन्निनि रंगा दोउरोहोइ, आपडु जीवनदि “इंद्रधनुष” बनतोहोन्दि। दिनतोति दिनलागु बगीचालोनि अन्नि फूलदि दनसोल ओटोहोन्दि, अलागेनि समाजमेन्दा अन्नि मेइसमोलोनि ओकपत्तान्ना सोटु मननि महत्व ओउतोहोन्दि। फूलु माकि मेपतोहोन्दि केलिच ओन्नान्दि, अन्दलोनि अपन खुशबू मननि अपन रंगतोति संसारनि सुंदरा बनना।

रंगोंदि ओइडाओ: ओकनाडु मीरा अल मुच्चामदि बगीचालोनि रोजुनि तरहा फूलु तपतुनिन्दि। मुच्चाम्मा नोउइन्दि मननि मालाड़िन्दि–“मीरा, फूलु तेपका, इलकिनि महसूसु चेपतानकि नेइसु।” मीराया हैरानतोनि एन्निन्दि–“मुच्चाम्मा, फूलु महसूस चेत्तानकि मतलबा?” मिच्चाम्मा एन्निन्दि–“पच्च रंगा एटो अटोहोन्दि–अरादि माया मेपतोहोन्दि, पोसरंगा खुशीया, नीला शांतिया, मननि पच्चदि उम्मीदि।” मीरा उरकोइ एसारितुनिन्दि, मननि मुच्चामतोति कुकोइ फूलतोति रंगा लागतुनिन्दि। मुच्चाम्मा एन्निन्दि–“इ रंगा अपन इस्कूलदि गोड़ा सजाइ, तबे अन्दलोनि नोउइन्दि।” इपालि मीरा फूलु एमतोहोन्दि, बल्कि अलतोति अपन उरु रंगदि सातंरो चेपतोहोन्दि।



अक्सरा माउ एसारित्तोनाउ रंगतोति बस सुंदरताकानि एलागु, ओलानानि सजावट ओतोहोन्दि। मरि नेबदेनि अट्टेनि, रंगा माकि मानसिक ऊर्जा मननि खुशीकानि बहुत ज़रूरी ओन्डादि! नुबु खुद एसारिइ, एपडु नुबु सानजोब्दानि ओक रंगदि माहौललोकि उन्नेडु, मननि अन्निनि एकदम फीका ओन्डादि, आपडु दिमागा एलचपोनाट्टु तोगलतोहोन्दि, बोरकाया खराब एपोतोहोन्दि, मननि माउ नीरस एपोतोहोन्दि। एलागु अंटार्कटिकादि रिसर्चर्सतोति ओउतोहोन्दि– महीनादनि तलगदि बर्फपा सुसक्कोट्टा अलदि मनना सुन्न एपतोहोन्दि। दिन्नुच्चि, रंगा सिर्फनि सोत्तानकि कादु, बल्कि मच्चदि ज़िंदगीया बेतानकि ज़रूरी ओन्डादि।

फुलमेन्दा रंगा भरि



ईच्छा: ईच्छा एक मासिक पत्रिका है जो ओपरोल समाज को पढ़ाई में अगे बढ़ने के लिये मदत करता है। वे ओपरोल समाज के लोगोको ओपरोल भाषा पढ़ने ओर सिखने के लिये मदत करता है। ये बाच्चे ओर जाबान लोगो को ध्यान में राखते हुये बानाया गया है, ता कि वह समाज के बाकि लोगो को भी सिखने के लिये मदत करे।

इस पत्रिका कि अधिकतर भाग अनलाईन से लिया गया है। अगर आपको भी कुछ इसमे लिखके प्रकाश करना है तो हामसे सम्पर्क करे।

